

Letzione-proa alternativa

balet pro sas presèntzias de s'08-04-2013 e de su 15-04-2013

istruziones: leghe sos esertzìtzios chi sighint e iscrie sas respostas giustas in bassu.
Pro cale si siat problema, dudas e paràulas chi non connosches, mi podes iscriere a s'email:

nurdarios@yahoo.es

Ma podes finas consultare sos documentos:

http://www.sardegnaicultura.it/documenti/7_108_20090205130512.pdf

www.dizionariu.org

IMPORTANTE: sas respostas depent èssere intreas segundu sos esempi:

eja!

Deoando.....a iscola cada die

- a. ando
- b. andas
- c. andende
- d. andant

no!

Deoa.....a iscola cada die

- a. ando
- b. andas
- c. andende
- d. andant

Eja!

Sos gatos sunt mandighende ...

- a. s'abba
- b. sa lughe
- c. sos sòrighes
- d. su mare

Pone inoghe sa resposta curreta:

_____ sos gatos sunt mandighende sos sòrighes _____

No!

Sos gatos sunt mandighende ...

- a. s'abba
- b. sa lughe
- c. sos sòrighes
- d. su mare

Pone inoghe sa resposta curreta:

c

Ànghela iscriet una e-mail a Pedru

Salude Pedru:

Su cursu acabat sa chida ch'intrat e apo paritzas cosas de fàghere pro custu istiu:

Mi serbint dinaris e duncas in su mese de trìulas chèrgio traballare in una pischina ca apo gana de mi fàghere unu giru in bitzicleta in sa costa setentrionale sarda cun Marta, in su mese de austu.

Cherimus bìdere sa bidda de Palau e a pustis cherimus andare a Pasada pro bìdere sa turre in artu de sa roca.

Apo preparadu totu: bestires, billetes ... però apo bisòngiu de comporare una màchina fotogràfica ca chèrgio tènnere carchi ammentu de cust'aventura.

Apo un'istiu prenu de atividades! E tue, ite cheres fàghere? Ti che imbaras in Aristanis cun Luisa?

Faghe-mi ischire.

A luego!

Ànghela

PREGUNTAS:

1.

Ànghela iscriet una e-mail subra ...

- a. unu traballu chi depet fàghere in istiu in Polònia.
- b. sos istùdios suos in Sardigna.
- c. unu biàgiu in Sardigna in istiu.
- d. unu cursu de portoghesu in Lisbona

Pone inoghe sa resposta curreta:

2.

Est andende a traballare in ...

- a. una pischina
- b. unu museu
- c. una butega de frores
- d. unu bar de sa costa

Pone inoghe sa resposta curreta:

3.

Su biàgiu lu faghet in...

- a. in trìulas
- b. sa chida ch'intrat
- c. in austu
- d. cras

Pone inoghe sa resposta curreta:

4.

Biagiat ...

- a. cun Pedru
- b. cun sa vetura
- c. in sa costa setentrionale sarda
- d. in Aristanis

Pone inoghe sa resposta curreta:

5.

At bisòngiu de si comporare ...



Pone inoghe sa resposta curreta:

Faghe atintzione a sos annùnzios chi s'ghint:

A Codaruina:

S'afitat un'apartamentu tranchillu, segundu pranu, duos aposentos, bagnu, piscina privada e garàgiu. Zona Santu Pedru (vista mare) 600 èuros/bìndighi dies. de làmpadas a cabidanni.

B Magomadas:

Si bendet una domo antiga, de acontzare. Duos aposentos, salone, cughina, bagnu. 260.000 èuros.

C Casteddu:

Apartamentu in su tzentru. bator aposentos, duos bagnos, cughina completa, 100m², zona cun servìtzios (parcu, iscolas, ispidale) 300.000 èuros.

D Aristanis:

Si bendet un'apartamentu cun un'apostu completu de mobìlia 55m². Cunditzionadore AC. 90.000 èuros.

E Tàtari:

Si afitat, zona campus universitàriu. Tres aposentos, salone completu de mobìlia, bagnu completu. Comunicatziones òtimas. In tempus de cursu: 600 èuros/mese.

F S'Alighera:

Si afitat una domo indipendente de chimbe aposentos, tres bagnos, salone e cughina, piscina. 1.550 èuros/bìndighi dies.

G Poltu Quatu:

Si bendet domo, tres istàntzias, bagnu, cughina, salone, campu de fuba, de baseball e de tennis... 245.000 èuros.

H Bosa:

S'afitat apartamentu de fronte a su mare, primu pranu sena ascensore, cughina, salone, bagnu, tres aposentos. Meses trìulas, austu e cabidanni.

I Fonne:

S'afitat domo in su nie. Cughina, salone cun ziminea, impiantu de riscaldamentu, tres bagnos, ses aposentos mannos. Meses de ierru.

L Otieri:

S'afitat domo de campagna, chimbe aposentos, duos bagnos, salone cun ziminea, cughina. Pro totu s'annu.

Faghe atintzione a sas dimandas de su mercadu:

0 famiglia: semus chirchede de andare in fèrias in una tzitade in su mare e cun su tempus bonu.

1 amigos: semus unu grupu de amigos e cherimus andare a isciare.

2 traballadora: chèrgio comporare una domo minore pro istare a sa sola.

3 famiglia: amus duos figios e cherimus comporare un'apartamentu mannu in una zona tranchilla pro sos pitzinnos.

4 amigos: semus tres istudiantes e cherimus afitare un'apartamentu pro un'annu de gastare màssimu 650 èuros su mese.

5 amigas: cherimus andare unu paiu de chidas in una tzitade de mare.

6 còpia de giòvanos: cherimus comporare una domo a curtzu a sos servìtzios isportivos.

Iscrite sas respostas inoghe:

0	1	2	3	4	5	6
A						

Leghe cust'istòria e evidèntzia sos agetivos, ca ti serbint luego a cumpletare sas fràsias (frases) chi s'ghint:

S'àtera die so andata a unu ristorante bellu meda, ue preparant una cughina esòtica. Su camerieri fiat feu e artu ma fiat simpàticu meda e sa cameriera fiat una pitzinna bella meda cun sos ogros tìpicos asiàticos e una gentilesa ùnica! In sa mesa b'aiat paritzos frores bellos cun rosas de cada colore! Su camerieri fiat tzinesu e sa cameriera fiat tailandesa e mi so sentidu comente una persone importante. Apo mandigadu bene meda ca mi praghent sos sabores fortes comente su picante chi issos ponent finas in s'insalada! A bufare apo leadu una birra issoro e unu tè. Sa birra fiat mala e su tè fiat bonu meda. Apo cumentzadu a mandigare unu pische cughinadu cun limone e su pische fiat mannu meda chi a pustis no tenìa gana de mandigare àtera cosa. Sa petza non l'apo leada e apo preferidu unu pratu mannu de insalada birde. In sa cughina asiàtica no est presente su pane ma su risu biancu chi benit cughinadu a vapore.

A pustis so andata a bìdere un'ispetàculu de dantza moderna ca so apassionada de custu gènere. S'ispetàculu fiat interessante meda e sas ballerinas non fiant romasas comente sas ballerinas clàssicas. Non mi praghet cando sos isteriòtipos de bellesa sunt gasi severos! Deo isco chi sa dieta issoro est limitada meda, comente cussa de su mundu de sa moda.

Issèbera sos agetivos chi prus t'agradant!

1. es: Apo bidu a Adelàsia, s'istudiante de frantzesu, issa est bella meda.
2. Su direttore de sa rivista est un'òmine _____ e tenet carisma.
3. S'amiga de Lionora est _____ ca mandigat pagu.
4. Su pane est biancu e sa latuca est _____
5. Sa "tour Eiffel" est fata tota in ferru e est _____ 324 metros.
6. Sa mùsica _____ non mi praghent a l'iscurtare!
7. Mi praghent a bìvere in domos _____
8. Creo chi a niune/nemos li praghent a dormire in unu letu _____
9. M'agradant sas pitzinnas/os _____
10. Sos pitzinnos _____ sunt _____
11. Sa mùsica lìrica est _____ meda!
12. Brno est una tzitade _____
13. Sa birra _____ non mi praghent pro nudda!
14. s'ispiritu est prus _____ de su corpus.

ISTRUTURAS E VOCABULÀRIU

1) Deo su pane cada die.

- a. *mandighende*
- b. *màndigat*
- c. *màndigas*
- d. *màndigo*

2) Sa pregunta giusta est:

- a. *Comente est betza sorre tua?*
- b. *Cantos annos de betza tenet sorre tua?*
- c. *Ite betza est sorre tua?*
- d. *Cantos annos tenet sorre tua?*

3) Frantziscu e deo in s'Universidade.

- a. *istudiades*
- b. *istudiamus*
- c. *istùdiat*
- d. *istùdio*

4) Sa fràsia (frase) giusta est:

- a. *Su pitzocu (pitzinnu) est artu e romasu.*
- b. *Sa pitzoca est artu e romasa.*
- c. *Sa pitzoca est arta e romasa.*
- d. *Su pitzocu est arta e romasa.*

5) Pedru e deo a s'ufitziu.

- a. *torro*
- b. *torrades*
- c. *torrant*
- d. *torramus*

6) Ite faghent sos iscritores?

- a. *bendent su pische (bèndere)*
- b. *furant in sas butegas (furare)*
- c. *cughinant in su ristorante (cughinare)*
- d. *iscrient libros (iscriere)*

7) est sa foto chi ti praghet de prus de tota s'espositzione?

- . a *ite*
- . b *chie*
- . c *cale*
- . d *a ite*

8) Bonas dies signora Maria! Chèrgio faeddare cun maridu, in domo est?

- a. *nostru*
- b. *nostros*
- c. *bostru*
- d. *bostros*

9) So

- a. *de Frantza*
- b. *Frantza*
- c. *Frantzesa*
- d. *de frantzesa*

10) S'ùrtima borta so istadu/a in domo de mama che in domo de babbu!

- a. *bene prus*
- b. *mègius*
- c. *mègius prus*
- d. *mègius bene*

11) S'ùrtima borta so istadu/a tempus in domo de mama che in domo de babbu!

- a. *mègius prus*
- b. *mègius*
- c. *prus*
- d. *mègius bene*

12) A it'ora ?

- a. *cumentzat s'ispetàculu*
- b. *cumentzare s'ispetàculu*
- c. *s'ispetàculu cumentzare*
- d. *s'ispetàculu cumentzas*

15) cantu sas botes?

- . *a caros sunt*
- . *b costare*
- . *c costant*
- . *d costat*

16) Frantzisca e deo semus andadas Brno.

- a. in*
- b. a*
- c. subra*
- d. pro*

17) Frantzisca e deo istamus (bivimus) Brno.

- a. in*
- b. a*
- c. subra*
- d. pro*

18) - Pedru Marras?

+

- a. so nois*
- b. deo mi*
- c. so deo*
- d. mi*

19) Immaculada est manna Bàrbara.

- a. prus*
- b. mègius*
- c. cantu*
- d. tantu*

20) a praghet sa tzitade?

- a. comente*
- b. si*
- c. ti*
- d. ite*

21) oto e mesa. Est ora de chenare.

- a. *sunt*
- b. *sunt sas*
- c. *est*
- d. *a sas*

22) - de cale colore las cheret?

+

- a. *las chèrgio mannas*
- b. *las chèrgio bonas*
- c. *las chèrgio baratas*
- d. *las chèrgio rujas*

23) deo m'ammento cando Frantziscu..... pitzinnu!

- a. *fia*
- b. *fiat*
- c. *fio*
- d. *fiot*

24) oe non mi sento bene. Misa mata!

- a. *dolent*
- b. *dole*
- c. *dolet*
- d. *doles*

25) Mi dispraghet, in domo non b'at peruna istàntzia

- a. *libera*
- b. *ocupada*
- c. *bòida*
- d. *cumpleta*

26) Eris a giogare a fuba.

- a. *semus andadu*
- b. *semus andare*
- c. *semus andados*
- d. *andados so*

27) Anda a dae in antis e a chentu metros gira

- a. *de manca*
- b. *in sa manca*
- c. *a manca*
- d. *manca*

28) custos frores suntMaria. A bi los podes dare?

- a. *in*
- b. *pro*
- c. *a*
- d. *dae*

29) meda sa conca. A la tenes un'aspirina?

- a. *sento*
- b. *mi contat*
- c. *mi dolet*
- d. *dolet*

30) bivo a sa Pratzza de Sardigna.

- a. *curtzu*
- b. *a curtzu de*
- c. *a curtzu*
- d. *in curtzu*

31) Anna, mi dispraghet, non podes bènnere.....apo de andare a su solu!

- a. *de megus*
- b. *cun tegus*
- c. *de tegus*
- d. *cun megus*

32) chi apo in manos est su libru meu.

- . a *cuddu*
- . b *cussu*
- . c *custu*
- . d *custa*

33) Gjesusde s'amore.

- a. *faeddat*
- b. *si faeddaiat*
- c. *faeddaiat*
- d. *faeddant*

34) Soliana..... dinari cando est andada a traballare.

- a. *agatat*
- b. *agataiat*
- c. *at agatadu*
- d. *est agatende*

35) “Sunt sas penas suas”. Cheret nàrrere:

- a. *Sunt bostras*
- b. *Sunt tuas*
- c. *Sunt meas*
- d. *Sunt de isse*

36) - de cale colore los cheret sos frores?

+

- a. *chèrgio biancos e rujos*
- b. *las chèrgio biancas e rujas*
- c. *chèrgio biancas*
- d. *los chèrgio biancos e rujos*

37) chie a sos animales est amigu meu

- a. *rispetu*
- b. *rispetat*
- c. *rispeto*
- d. *rispetas*
- e.

38) Non b'at arantzu pro mandigare.

- a. *niune*
- b. *nemos*
- c. *perunu*
- d. *sa*

39) in custu cursu est pretzisu istudiaresas dies.

- a. *totus*
- b. *totas*
- c. *totu*
- d. *tota*

40) Maria non podet bènnere como ca est a su telèfono.

- a. *faeddadu*
- b. *a faeddare*
- c. *faeddat*
- d. *faeddende*

41) deo mi pòngio semper sas botes primu de

- a. *chi deo esse*
- b. *chi deo essire*
- c. *essire*
- d. *aia essidu*

42) comente est su tempus oe?

- a. *Oe faghet un'annu bonu.*
- b. *Faghet tempus meda.*
- c. *Non faghet tempus meda.*
- d. *Faghet tempus bonu.*

43) Ite eris tue e Anna?

- a. *fatu*
- b. *azis fatu*
- c. *azis*
- d. *faghiat*

44) in sa domo de Soliana b'at òmine cun duos canes.

- a. *s'*
- b. *un'*
- c. *una*
- d. *un*

45) „ite làstima!”. Cheret nàrrere:

- a. *ite bellu!*
- b. *ite pena!*
- c. *ite allegria!*
- d. *ite orrore!*

46) A s'amiga mea non praghèt sa „seada“.

- a. *lis*
- b. *la*
- c. *li*
- d. *si*

47) Danielein Tailàndia in su mese de freàrgiu.

- a. *istadu*
- b. *est istadu*
- c. *est*
- d. *est istada*

48) Custu mangianudae su letu.

- a. *mi nde so pesaiat*
- b. *mi nde so pesadu*
- c. *mi nde so pesados*
- d. *mi nde so pesare*

49) eris fiat una die meda e semus andados totu a su mare.

- a. *calda*
- b. *frita*
- c. *caldu*
- d. *fritu*

50) A nadale sa gente paritzos regalos.

- a. *còmporant*
- b. *còmforet*
- c. *còmporat*
- d. *còmporas*

51) ses andende a domo de Andria? Imbara chi andamus

- a. *finas*
- b. *umpare*
- c. *comente*
- d. *proite*

52) - podimus intrare?

+ Eja

- a. *passa!*
- b. *passas!*
- c. *passade!*
- d. *passant!*

53) Eris sos pitzinnos nonmandigare.

- a) *cherent*
- b) *cheriant*
- c) *aiant chertu*
- d) *chertu*

54) ite as cun sos macarrones?

- a. *faghende*
- b. *fatu*
- c. *fàghere*
- d. *fatzo*

55) Custa chida a sa mama de Roberta.

- a. *apo connotu*
- b. *connosco*
- c. *apo connosco*
- d. *connòschere*

56) Sa domìniga passada a nos fàghere un'ispassigiada a su lagu.

- a. *andare*
- b. *semus andadu*
- c. *semus andados*
- d. *andamus*

57) - Custas botes balent 50 (chimbanta) èuros. A ti las cheres proare?

+

- a. *eja, proo mi la*
- b. *eja, mi las proo*
- c. *eja, los proo*
- d. *eja, la mi proo*

58) - bidu l'as su film?

+ No, no.

- a. *giai*
- b. *semper*
- c. *galu*
- d. *apo bidu*

59) sa pregunta giusta est:

- a. *a ite ora essis dae traballare?*
- b. *a cale ora essis dae traballare?*
- c. *a ite ora essis dae traballare?*
- d. *in ite ora essis dae traballare?*

60) Su mese passadu meda a su bar.

- a. *andadu*
- b. *so andadu*
- c. *andare*
- d. *semus andadu*

cumprensione de letura:

Su sardu limba romanza

Su sardu est una limba "romanza" o "neolatina", est a nàrrere unu domìniu linguìsticu chi derivat dae sa limba faeddada dae sos Romanos antigos. A sa matessi manera sunt su portoghesu, s'ispagnolu, su catalanu, s'otzitànicu, su francu-proventzale, su frantzesu, s'italianu, su ladinu, su friulanu, su corsu, su dalmàticu (oe isparèssidu) e su rumenu.

Sas limbas romanzas

Si definint romanzas sas limbas chi sunt derivadas dae sas formas diferentes - mescamente faeddadas – chi leat su latinu vulgare in intro de sas làcanas de s'imperu romanu.

Morfologia

Sa parte de sa grammàtica chi istùdiat sa forma de sas paràulas si denòminat morfologia. Mescamente in custu setore su sardu cunservat crara•crara s'imprenta de sa limba romanza, mustrende tretos meda chi, segundu su parre de sa majoria de sos iscritores, lu ligant a una latinidade de tipu arcàicu.

Fonètica istòrica

Intre sos tretos chi marcant sa distintividade de su sardu in s'àmbitu de sa fonètica istòrica de sas limbas romanzas, prus importu tenent cuddos chi pertocant su vocalismu, su consonantismu e su tratamentu de labiovelares e oclusivas.

1. su sardu est

- a. *sa limba de sa Còrsica meridionale*
- b. *de sa fàmilia de sas limbas slavicas*
- c. *una limba romanza*
- d. *una cumbinatzione de limbas esòticas*

2. su sardu est in sa matessi fàmilia linguìstica de

- a. *su frantzesu e s'inglesu*
- b. *su rumenu e su tzeccu*
- c. *su polacu e su tedescu*
- d. *su catalanu e su rumenu*

3. Su sardu at tretos

- a. *modernos*
- b. *arcàicos*
- c. *cuntemporàneos*
- d. *orientales*

4. Sa morfologia istùdiat

- a. *su sonu de sas vocales*
- b. *s'istòria de sa limba*
- c. *sa forma de sas paràulas*
- d. *su sonu de sas cunsonantes*

5. A livellu fonèticu su sardu si distinghet.....

- a. *pro sos fonemas labiales e labiovelares*
- b. *pro sos fonemas labiovelares e oclusivos*
- c. *pro sos fonemas oclusivos e labiales*
- d. *pro sos fonemas labiales e dentales***

